

KODAK  
LICENSED PRODUCT

U  
M

KODAK Gray Scale

A 1 2 3 4 5 6 M 8 9 10 11 12 13 14 15 B 17 18 19




巢氏

病源候論

六之廿

解散 二十六論  
 傷寒上 二十三論  
 傷寒下 四十四論  
 疫癘 三論  
 温病 三十四論  
 時氣 四十三論

中武
136
2





武  
136  
2



卷之六

○解散病諸候

凡二十六論



寒食散發候

解散癰癤候

解散除熱候

解散浮腫候

解散渴候

解散上氣候

解散心腹痛心淋候

解散大便秘難候

解散虛冷小便多候

解散大便血候

解散卒下利候

解散下利後諸病候

解散大小便難候

解散小便不通候

解散熱淋候

解散發黃候

病類卷六

目錄一



解散脚熱腰痛候

解散鼻塞候

解散發瘡候

解散癰腫候

解散煩悶候

解散嘔逆候

解散目無所見目疼候

解散心腹脹滿候

解散挾風勞候

解散飲酒發熱候

重刊巢氏諸病源候總論卷之六

解散病諸候

凡二十六論

寒食散發候

夫散脉或洪實或斷絕不定欲似死脉或

細數或弦歇坐所犯非一故也脉無常投醫不能識熱

多則弦歇有癖則洪實急痛則斷絕凡寒食藥率如是

無苦非死候也勤從節度不從節度則死矣欲服散宜

診脉候審正其候爾乃畢愈脉沉數者難發難發當數

下之脉浮大者易發也人有服散兩三劑不發者此人

脉沉難發發不令人覺藥勢行已藥但於內發不出形

於外欲候知其得力人進食多是一候氣下顏色和悅

是二候頭面身癢癢是三候策策惡風是四候厭々欲

寐是五候也諸有此證候者皆藥內發五藏不形出於

識



外但如方法服散勿疑但數下之則內虛自當發也諸方互有不同皇甫唯欲將冷廩兵公欲得暖將之意其多有情致也世人未能得其深趣故鮮能用之然其方法猶多不盡但論服藥之始將息之度不言發動之後治解之宜多有闕略江左有道弘道人深識法體凡所救療妙驗若神製解散對治方云鍾乳對木又對桔萸其治主肺上通頭胸木動鍾乳胸塞短氣鍾乳動木頭痛目疼又鍾乳雖不對海蛤海蛤動則目痛短氣有時木動鍾乳直頭痛胸塞然鍾乳與木所可為患不過此也雖所患不同其治亦一矣發動之始要其有始由覺體中有異與上患相應便速服葱白豉湯又云硫黃對防風又對細辛其治主脾腎通腰脚防風動硫黃煩疼

腰痛或瞋忿無常或下利不禁防風細辛能動硫黃硫黃不能動彼始覺發便服杜仲湯白石英對附子其治主胃通至脾腎附子動白石英煩滿腹脹白石英動附子則嘔逆不得食或口噤不開或言語難手脚疼痛覺發服生麥門冬湯紫石英對人參其治主心肝通至腎脚人參動紫石英心急而痛或驚悸不得眠卧或恍惚忘誤失性狂發或黯々欲眠或憤々喜瞋或瘥或劇乍寒乍熱或耳聾目暗又防風雖不對紫石而能動紫石紫石由防風而動人參人參動亦心痛煩熱頭項強始覺便宜服麻黃湯赤石脂對桔梗其治主心通至胃背桔梗動赤石心痛口噤手足逆冷心中煩悶赤石動桔梗頭痛目赤身體壯熱始覺發即溫酒飲之隨能數極



酒勢行則解亦可服大麥麩良復若不解復服木對鍾乳木發則頭痛目赤或舉身壯熱解與鍾乳同附子對白石英亦對赤石脂附子發則嘔逆手脚疼體強骨節痛或項強面白滿腫飲酒食麩自愈若不愈與白石英同解人參對紫石英人參發則煩熱頭項強解與紫石英同桔梗對赤石脂又對茯苓又對牡蠣桔梗發則頭痛目赤身體壯熱解與赤石同乾薑無所偏對有說者云藥性草木則速發而易歇土石則遲發而難歇也夫服藥草石俱下於喉其勢厲盛衰皆有先後其始得效皆是草木先盛耳土石方引日月也草木少時便歇石勢猶自未成其疾者不解消息便謂頓休續後更服或謂病痼藥微倍更增石或更雜服衆石非一也

石之為性其精華之氣則合五行乃益五藏其滓穢便同灰土也夫病家氣血虛少不能宣通雜石之性卒相和合更相塵蔽便成牢積其病身不如是石不和精華不發不能致熱消疾便謂是冷盛牢劇服之無已不知石之為體體冷性熱其精華氣性不發其冷如冰而疾者其石入腹即熱既不即熱服之彌多是以患冷癖之人不敢寒食而大服石石數弥多其冷癖尤劇皆石性不發而積也亦有雜餌諸石丸酒單服異石初不忌唯以大散為救而亡有此諸害其證甚多小品方云道弘道人製解散對治方說草石相對之和有的能發動為證世人遂易不逆思尋古今方說至於動散臨急便就服之既不救疾便成委禍大散由來是難將之藥夫以



大散難將而未輕服者乃前有復耳既心期得益苟就服之已服之人便應研習救解之宜異日動之便得自救也夫身有五石之藥而門內無解救之人輕信對治新方逐易服之從非棄是不當枉命誤藥邪檢神農本草經說草石性味無對治之和無指的發動之說按其對治之和亦依本草之說耳且大散方說主患注藥物不說其所主治亦不說對和指的發動之性也覽皇甫士安撰解散說及將服消息節度亦無對和的發之說也復有稟丘家將溫法以救變敗之色亦無對和的動之說若以藥性相對為神者枯萋惡乾薑此是對之受害者道弘說對治而不辨此道弘之方焉可從乎今不從也當從皇甫節度自更改枯萋便為良矣患熱則不

服其藥惟患冷者服之耳白可以除枯萋若虛勞脚鳴者以石斛十分代枯萋若風冷上氣欬者當以紫苑十分代枯萋一法極良若雜患常疾者止除枯萋而已慎勿加餘物皇甫云然寒食藥者世莫知焉或言華佗或曰仲景考之於實佗之精微方類單省而仲景經有侯氏黑散紫石英方皆數種相出入節度略同然則寒食草石二方出自仲景非佗也且佗之為治或剗斷腸胃滌洗五臟不純任方也仲景雖精不及於佗至於審方物之候論草石之宜亦妙絕衆醫及寒食之療者御之至難將之甚苦近世尚書何晏耽聲好色始服此藥心加開朗體力轉強京師翕然傳以相授歷歲之困皆不終朝而愈衆人喜於近利未觀後患晏死之後服者除



繁于時不輟余亦豫焉或暴發不常大害年命是以族弟長互舌縮入喉東海王良夫癱瘓陷背隴西辛長緒脊肉爛潰蜀郡趙公烈中表六喪悉寒食故之所為也遠者數十歲近者五六歲余雖視息猶獨人之笑耳而世人之患病者由不能以斯為戒失節之人多來問余乃喟然歎曰今之醫官精方不及華佗審治莫如仲景而競服至難之藥以招甚苦之患其大死者焉可勝計哉咸寧四年平陽太守劉泰亦沈斯病使使問余救解之宜先時有姜子者以藥困絕余實生之是以聞焉然身自荷毒雖木士不能書辨者不能說也苟思所不逮暴至不旋踵敢以教人乎辭不獲已乃退而惟之求諸本草考以素問尋故事之所更參氣物之相使并列四

方之本注釋其下集而與之匪曰我能也蓋三折臂者為醫非生而知之試驗亦其次也服寒食散二兩為劑分作三貼清旦溫醇酒服一貼移日一丈復服一貼移日二丈復服一貼如此三貼盡須臾以寒水洗手足藥氣兩行者當小痺便因脫衣以冷水極浴藥勢益行周體涼了心意開朗所患即瘥雖羸困著床皆不終日而愈人有強弱有耐藥若人羸弱者可先小食乃服若人強者不須食也有至三劑藥不行者病人有宿癖者不可便服也當先服消石大丸下去乃可服之服藥之後宜煩勞若羸著床不能行者扶起行之常當寒衣寒飲寒食寒卧極寒益善若藥未散者不可浴浴之則冷寒使藥噤不發令人戰掉當更溫酒飲食起跳踴春磨出



力令温乃浴解則止勿過多也又當數冷食無晝夜也  
一日可六七食若失食飢亦令人寒但食則温矣若老  
小不耐藥者可減一二兩強者過一二兩少小氣盛及產婦  
卧不起頭不去巾帽厚衣對火者服散之後便去衣巾  
將冷如法勿疑也虛人亦治又與此藥相宜實人勿服  
也藥雖良令人氣力兼倍然甚難將息適大要在能善  
消息節度專心候察不可失意當絕人事唯病著牀虛  
所不能言厭病者精意能尺藥意者乃可服耳小病不  
能自勞者必癆失節度慎勿服也若大傷寒者下後乃  
服之便極飲冷水若產婦中風寒身體強痛不得動搖  
者便温服一劑因以寒水浴即瘥以浴後身有痺處者  
便以寒水洗使周徧初得小冷當數食飲酒於意後慎

慎不了快者當復冷水浴甚者水畧不去體也若藥偏  
在一處偏痛偏冷偏熱痺及眩煩腹滿者便以水逐洗  
於水下即了矣如此晝夜洗藥力尽乃止凡服此藥  
不令人吐下也病皆愈若滿上太滿欲吐者便舖食即  
安矣服藥之後大便當變於常故小青黑色是藥染耳  
勿恠之也若亦温之欲吐當遂吐之不令極也明白當  
更服若浴晚者藥勢必不行則不堪冷浴不可強也當  
如法更服之凡洗太早則藥禁寒太晚則吐乱不可失  
過也寒則出力洗吐則速冷食若不飢為寒者食自温  
常當將冷不可熱炙之也若温衣温食温卧則吐逆顛  
覆矣但冷飲食冷浴則瘥矣凡服藥者服食皆冷唯酒  
冷熱自從或一日而解或二十餘日解常飲酒令體中



醱々不絕當飲醇酒勿飲薄白酒也體內重令人變亂  
若不發者要當先下乃服之也寒食藥得節度者一月  
轉解或二十日解堪温不堪寒即以解之候也其失節  
度者頭痛欲裂坐服藥食温作癖急且下之或兩自欲  
脫坐犯熱在肝速下之將冷自止或腰痛欲墜坐衣厚  
體温以冷洗浴冷石熨也或眩暈欲蹶坐衣裳犯熱且  
斷頭冷洗之或腰疼欲折坐久坐下温且常令牀上冷  
水洗也或腹脹欲次甚者斷衣帶坐寢處久下熱又得  
温失食失洗不起行但冷食冷洗當風立或心痛如刺  
坐當食而不食當洗而不洗寒熱相結氣不通結在心  
中口不得息當校口但與熱酒任本性多少其令酒氣  
兩得行氣自通得噫因以冷水澆灌手巾著所苦處温

復易之自解解便速冷食能多益善於諸痛之內心痛  
最急救之若赴湯火乃可濟耳或有氣斷絕不知人時  
蹶占不得開病者不自知當須傍人救之要以熱酒為  
性命之本不得下者當斫齒以酒灌咽中兩中塞逆酒  
入腹還出者但與勿止也出復內之如此或半日酒下  
氣蘇酒不下者便殺入也或下利如寒中坐行止食飲  
飲犯熱所致人多疑冷病人又滯癖皆犯熱所為慎勿  
疑也速脫衣冷食飲冷洗也或百節痠疼坐卧太厚又  
入温被中衣温不脫衣故也卧下當極薄單布不著絲  
也當薄且垢故勿著新衣多著故也雖冬寒常當被頭  
受風以冷石熨衣帶不得繫也若犯此痠悶者但入冷  
水浴勿忍病而畏浴也或矜戰患寒如傷寒或發熱如



瘡坐食忍飢洗冷不行便坐食臭故也急冷洗起行或  
惡食如真物坐温衣作癖也當急下之若不下萬救終  
不瘥也或咽中痛鼻塞清涕出坐温衣近火故也但脫  
衣冷水洗當風以冷石熨咽頰五六遍自瘥或胸脅氣  
逆乾嘔坐飢而不食藥氣重滿故也但冷食冷飲冷洗  
即瘥或食下便出不得安坐有癖但下之或淋不得小  
便久坐温及騎馬鞍熱入膀胱也冷食以冷水洗小腹  
以冷石熨一日即止或大行難腹中牢固如蛇盤坐犯  
温久積腹中乾糞不去故也消酥若骨便寒服一二升  
浸潤則下不下更服即瘥或寒慄頭掉不自支任坐食  
少藥氣行於肌膚五藏失守百脉搖動與氣爭競故也  
努力強飲熱酒以和其脉強冷食冷飲以定其藏強起

行以調其關節酒行食充閉機以調則洗了矣云了者  
是惡寒病除神明了然之狀也或關節強直不可屈伸  
坐久停息不息煩勞藥氣停止絡結不散越沈滯於血  
中故也任力自温便冷洗即瘥云任力自温者令行動  
出力從勞則發温也非厚衣近火之温也或小便稠數  
坐熱食及噉諸含熱物餅黍之屬故也以冷水洗小腹  
服梔子湯即瘥或失氣不可禁坐犯温不時洗故也冷  
洗自寒即止或遺糞不自覺坐久坐下温熱氣上入胃  
少腹不禁故也冷洗即瘥或目痛如刺坐熱熱氣衝肝  
上奔兩眼故也勤冷食清旦温小便洗不過三即瘥或  
耳鳴如風声汁出坐自勞出力過矣房室不節氣逆奔  
耳故也勤好飲食稍々行步數食節情即止或口傷舌



強爛燥不得食少穀氣不足藥在胃脘中故也急作施  
子豉湯或手足偏痛諸節解身體發癰瘡鞣結坐寢處  
久不自移從暴熱偏併聚在一處或鞣結核痛甚者發  
如癰寬便以冷水洗冷石熨微者食頃散也劇者數日  
水不絕乃差洗之無限要瘥為期若大不瘥即取磨刀  
石火燒令熱赤以石投苦酒中石入苦酒皆破裂因搗  
以汁和塗癰上三即瘥取糞中大蛸蟻搗令熟以金癰  
上亦不過二三再即瘥尤良或飲酒不解食不復下乍寒  
乍熱不洗便熱洗復寒甚者數十日輕者數日晝夜不  
得寐愁憂恚怒自驚跳悸恐恍惚忘誤者坐犯溫積久  
寢處失節食熱作癰內實使熱與藥并行寒熱交爭雖  
以法救之終不可解也吾嘗如此對食垂涕接刀欲自

刺夫及得施賴家親見迫奪故事不行退而自佳乃強  
食多飲水遂止稠不成若絲髮矣凡有寒食散藥者雖  
素聰明發皆頑騫若捨難愈也以此死者不可勝計急  
飲三黃湯下之當吾之困也幸家知親皆以見分別賴  
亡兄士元披方得三黃湯方合使吾服大下即瘥自此  
常以救急也或脫衣便寒著衣便熱坐脫著之間無適  
故小寒自可著小溫便脫即洗之即慧矣慎勿忍使病  
發也洗可得了然瘥忍之則病成矣或齒腫唇爛齒牙  
搖痛頰車噤坐犯熱不時救故也當風張口使冷氣入  
咽漱寒水即瘥或周體患腫不能自轉徙坐久停息久  
不飲酒藥氣沈在皮膚之內血脉不通故也飲酒冷洗  
自旁行即瘥極不能行使入扶或車行之事寧違意勿



聽從之使更節柔調乃止勿令適差過則使極更爲矣  
復熱者復洗也或患冷食不可下坐又冷食食口中不  
知味故也可作白酒麩益者酥熱食一兩頓悶者冷飲  
還冷食或陰囊臭爛坐席厚下熱故也坐冷水中即瘥  
或腳趾間生瘡坐著履溫故也脫履著履以冷水洗足  
即愈或兩腋下爛作瘡坐臂脇相親也以物懸手離脇  
冷熨之即瘥或嗜寐不能自覺久坐熱悶故也急起洗  
浴飲冷自精了或有癖也當候所宜下之或夜不得眠  
坐食少熱在內故也當服梔子湯數進冷食或咳逆咽  
中傷清血出坐卧溫故也或食溫故也飲冷水冷熨咽  
外也或得傷寒或得溫瘧坐犯熱所爲也凡常服寒食  
散雖以久解而更病者要先以寒食救之終不中冷也

若得傷寒及溫瘧者卒可以常藥治之無咎也但不當  
飲熱藥耳傷寒藥皆除熱瘧藥皆除癖不與寒食相妨  
故可服也或藥發輒并卧不以語人坐熱氣盛食少穀  
不充邪于正性故也飲熱酒冷食自勞便佳或寒熱累  
月張口大呼眼視高精候不與人相當日用冷水百餘石  
澆不解者坐不能自勞又飲冷酒復食溫食譬如腸人  
心下更寒以冷救之愈劇者氣結成冰得熱熨飲則水  
消氣通喝人乃解冷藥熱聚心乃更寒戰亦如喝人之  
類也速與熱酒寒解氣通酒兩行於四肢周體悉溫然  
後以冷水三斗洗之愾然了矣河東裴季彥服藥失  
度而處三公之尊人不敢強所欲已錯之後其不能自  
知左右人不解救之救之法但飲冷水以水洗之用水



數百石寒遂甚命絕於水中良可痛也夫以十石焦炭  
二百石水洗之則炭滅矣藥熱雖甚未加十石之火也  
法之不已寒足殺入何怨於藥乎不可不曉此意世人  
失救者例多如此欲服此藥者不唯已自知也家人皆  
宜習之使熟解其法乃可用相救也吾每一發氣絕不  
知人雖復自知有方力不復施也如此之弊歲有八九  
幸家人大小以法救之猶時有小違錯况都不知者哉  
或大便稠數坐久失節度將死候也如此難治矣為可  
與湯下之儻十得一生耳不與湯必死莫畏不與也下  
已致死今不恨也或人因已而脈不絕坐藥氣盛行於  
百脉人之真氣已盡唯有藥氣尚自獨行故不絕非生  
氣也或死之後體故温如人肌腹中雷鳴顏色不變一

兩日乃似死人耳或灸之尋死或不死坐藥氣有輕重  
故有死生雖灸得生生非已疾之法終當作湯且慎之  
大有此故也或服藥心中亂坐服温藥與疾爭結故也  
法當大吐下若不吐下當死若不吐死者冷飲自了然  
瘥或偏臂脚急痛生又藉持卧温不自轉移熱氣入肌  
附骨故也靴以布冷水淹搶之温復易之或肌皮皴如  
木石枯不可得屈伸坐食熱卧温作癖久不下五藏隔  
閉血脉不周通故也但下之冷食飲酒自勞行即瘥或  
四支面自皆浮腫坐食飲温又不自勞藥與正氣停并  
故也飲熱酒冷食自勞冷洗之則瘥或瞑無所見坐飲  
食居處温故也脫衣自洗但冷飲食須臾自明了或鼻  
中作嘔雞子臭坐著衣温故也脫衣冷洗即瘥或身皮



楚痛轉移不在一處如風坐犯熱所為非得風也冷洗  
射之即瘥或脚疼欲折由久坐下溫宜坐單牀上以冷  
水洗即愈或苦頭眩日疼不用食由食及犯熱心甚有  
僻故也可下之或臂脚偏急苦痛者由久坐卧席溫下  
熱不自移轉氣入肺胃脾胃故也勸以羊巾淹冷水迫  
之溫則易之如此不過兩日即瘥九治寒食藥者雖治  
得瘥師終不可以治為恩非得治人後忘得効也皆如  
文摯治齊王病先使王怒而後病已文摯以是雖愈王  
病而終為王所殺今救寒食者要當逆常理反正性成  
犯怒之自非違者得瘥之後心念犯怒之恐不必得治  
之恩猶齊王殺文摯也后與太子不能救况於凡人哉  
然死生大事也如知可生而不救之非仁者也唯仁者

心不已必冒犯怒而治之為親戚之故不但其人而已  
凡此諸救皆吾所親更也試之不借問於他人也要當  
違入理反常性重衣更寒一也亂則生臭二反也極  
則自勞三反也溫則滯利四反也飲食欲寒五反也癰  
瘡水洗六反也當洗勿失時一急也當食勿忍飢二急  
也酒必淳清令溫三急也衣濕便脫四急也食必極冷  
五急也卧必衣薄六急也食不厭多七急也冬寒欲火  
一不可也飲食欲熱二不可也常疹自疑三不可也畏  
避風涼四不可也極不能行五不可也飲食畏多六不  
可也居貧厚席七不可也所欲從意八不可也務違常  
理一無疑也委心弃本二無疑也寢處必寒三無疑也  
解散痰癖候服散而飲過度將適失宜衣厚食溫則飲

解散痰癖候

服散而飲過度將適失宜衣厚食溫則飲

病原卷六

上



結成痰癖其狀痰多則胸膈否滿頭眩痛癖結則心脇結急是也

**解散除熱候** 夫服散之人覺熱則洗覺飢則食若洗食不時失其節度令石勢壅結不塞不解而生熱故須以藥除之

**解散浮腫候** 服散而浮腫者由食飲溫而久不自勞藥勢與血氣相并使氣壅在肌膚不得宣散故令浮腫或外有風濕內有停水皆與散勢相搏致令煩熱而氣壅滯亦令浮腫若食飲溫不自勞而腫者但煩熱虛腫而已其風濕停水而已者則心腫而煩熱或小便澀而腫

**解散渴候** 夫服石之人石勢歸於腎而勢衝府藏府藏既熱津液渴燥腎惡燥故渴而引飲也

**解散上氣候** 服散將適失所取溫太過熱搏榮衛而氣逆上其狀胸滿短氣是也

**解散心腹瀼候** 萬間有寒胃脘有熱寒熱相搏氣逆攻腹乘心故心腹瀼其寒氣盛勝於熱氣榮衛秘澀不通寒氣內結於心故心腹瀼而心瀼寒也其辨心腹瀼而戰瀼不能言語是也

**解散大便秘難候** 將適失且犯溫過度散勢不宣熱氣積在腸胃故大便秘難也

**解散虛冷小便多候** 將適失度熱在上焦下焦虛冷冷氣乘於胞故胞冷不能制於小便則小便多

**解散大便血候** 將適失度或取熱或傷冷觸動於石冷熱交擊俱乘於血致動血氣血滲入於大腸腸虛則泄



故大便血

解散卒下利候 行止違節飲食失度犯觸解散而脾胃虛弱故卒然下利也

解散下利後諸病候 服散而飲食失度居處違節或霍亂或傷寒或服藥而下利利雖斷而血氣不調石勢因動致生諸病其狀或手足煩熱或口噤或嘔逆之類是也隨其病證而解之

解散大小便難候 積服散散勢盛在內熱氣乘於大小腸大小腸否澁故大小便難也

解散小便不通候 夫服散石者石勢歸於腎而内生熱熱結小腸胞內否澁故小便不通

解散熱淋候 夫服散石石勢歸於腎若腎氣宿虛者今

因石熱而又將適失度虛熱相搏熱乘於腎腎主水行小腸入胞為小便腎虛則小便數熱結則小便澁澁則莖內痛故淋瀝不快也

解散發黃候 飲酒內熱因服石石勢又熱熱搏脾胃脾胃主土其色黃而候於肌肉積熱蘊結蒸發於肌膚故成黃也

解散胸熱腰痛候 腎主腰脚服石熱歸於腎若將適失度發動石熱氣乘腰脚石與血氣相擊故脚熱腰痛也其狀胸煩熱而腰攣痛

解散鼻塞候 石發則將冷其熱盡之後冷氣不退者冷乘於肺肺主氣開竅於鼻其冷滯結不宜通故鼻塞

解散發瘡候 將適失宜外有風邪內有積熱熱乘於血



血氣壅滯故使生瘡

**解散癰腫候** 六府不和而成癰夫服散之人若將適失宜散動熱氣內乘六府六府血氣行於經脈經脈為熱所搏而外有風邪乘之則石熱壅結血氣否澁而成癰腫

**解散煩悶候** 將適失宜冷熱相搏石勢不宣化熱氣乘於藏故令煩悶也

**解散嘔逆候** 將適失宜脾胃虛弱者石勢結滯乘於脾胃致令脾胃氣不和不能勝於穀故氣逆而嘔調之即愈

**解散目無所見目疼候** 將適失宜飲食年度甚內生痰熱痰熱之氣熏肝肝候目故目無所見而疼痛

**解散心腹脹滿候** 居處犯濕致令石勢不宣內壅府藏

與氣相搏故心腹脹滿

**解散挾風勞候** 本患風勞而服散石風勞未及石勢固發解石之後體尚虛羸故猶挾風勞也

**解散飲酒發熱候** 服散而積飲酒石因酒勢而盛散散經絡故煩而發熱也

重刊巢氏諸病源候總論卷之六終



卷之七

○傷寒病諸候上

凡二十三論

傷寒候

傷寒發汗不解候

傷寒取吐候

中風傷寒候

傷寒一日候

傷寒二日候

傷寒三日候

傷寒四日候

傷寒五日候

傷寒六日候

傷寒七日候

傷寒八日候

傷寒九日已上候

傷寒喉咽痛候

傷寒斑瘡候

傷寒口瘡候



傷寒登豆瘡候

傷寒登豆瘡後滅瘢候

傷寒謬語候

傷寒煩候

傷寒虛煩候

傷寒煩悶候

傷寒渴候

傷寒嘔候

傷寒乾嘔候

傷寒吐逆候

傷寒噦候

傷寒喘候

傷寒厥候

傷寒悸候

傷寒瘧候

傷寒心否候

傷寒結胸候

重刊巢氏諸病源候總論卷之七

傷寒病諸候上

凡三十三論

**傷寒候**

經言春氣溫和夏氣暑熱秋氣清涼冬氣水寒

此則四時正氣之序也冬時嚴寒萬類深藏君子固密則不傷於寒夫觸冒之者乃為傷耳其傷於四時之氣皆能為病而以傷寒為毒者以其最為殺厲之氣也即病者為傷寒不即病者其寒毒藏於肌膚中至春變為溫病夏變為暑病暑病者熱重於溫也是以辛苦之人春夏必有溫病者皆由其冬時觸冒之所致非時行之氣也其時行者是春時應暖而反寒夏時應熱而反冷秋時應涼而反熱冬時應寒而反溫非其時而有其氣是以一歲之中病無少長多相似者此則時行之氣也



夫傷寒病者起自風寒入於腠理與精氣交爭榮衛否  
隔周行不通病一日至二日氣在孔竅皮膚之間故病  
者頭痛惡寒腰背強重此邪氣在表洗浴發汗即愈病  
三日以上氣浮在上部胸心填塞故頭痛胸中滿悶當  
吐之則愈病五日以上氣深結在藏故腹脹身重骨節  
煩疼當下之則愈夫熱病者皆傷寒之類也或愈或死  
皆以六七日間其愈皆以十日以上何也巨陽者諸陽  
之屬也其脉連於風府故為諸陽主氣人之傷於寒也  
故則為病熱雖甚不死其兩感於寒而病者必死兩感  
於寒者其脉應與其病形何如兩傷於寒者病一日則  
巨陽與少陰俱病則頭痛口乾煩滿二日則陽明與太  
陰俱病則腹滿身熱不食謹言三日則少陽與厥陰俱

病則耳聾囊縮厥逆水漿不入則不知人六日而死夫  
五藏已傷六府不通榮衛不行如是之後三日乃死何  
也陽明者十二經脉之長也其氣血盛故不知人三日  
其氣乃盡故死其不兩傷於寒者一日巨陽受之故頭  
項痛腰脊強二日陽明受之陽明主肉其脉夾鼻絡於  
目故身熱而鼻乾不得卧也三日少陽受之少陽主骨  
其脉循脇絡於耳故胸脇痛耳聾二陽經絡皆受病而  
未入通於藏也故可汗而已四日太陰受之太陰脉布  
於胃絡於嗌故腹滿而嗌乾五日少陰受之少陰脉貫  
腎絡肺繫舌本故口熱舌乾而渴六日厥陰受之厥陰  
脉循陰器而絡於肝故煩滿而囊縮三陰三陽五藏六  
府皆病榮衛不行五藏不通則死矣其不兩感於寒者



七日、巨陽病衰、頭痛少愈、八日、陽明病衰、身熱少愈、九日、少陽病衰、耳聾微聞、十日、太陰病衰、腹滿如故、則思飲食、十一日、少陰病衰、渴止、不滿舌、乾已而欬、十二日、厥陰病衰、囊從少腹微下、大氣皆去、病日已矣、治之柰何、治之各通其藏、脉病日衰、其病未滿三日者、可汗而已、其病三日、過者可泄之而已、太陽病、頭痛至七日已上、並自當愈、其經竟故也、若欲作再經者、當針補陽明、使經不傳則愈矣、相病之法、視色聽聲、觀病之所候、脉要、尖豈不微乎、脉洪大者、有熱、此傷寒病也、夫傷寒、脉洪、浮、秋、佳、春、成、病、寸口、脉緊者、傷寒、頭痛、脉來洪大、傷寒病、少陰病、惡寒、拳而利、手足四逆者、不治、其人吐利、躁逆者、死、利止而眩、時々自冒者、死、四逆惡寒而拳、其

脉不至、其人煩而躁者、死、病六日、其息高者、死、傷寒熱盛、脉浮大者、生、沈小者、死、頭痛、脉短濇者、死、浮滑者、生、未得汗、脉盛大者、生、細小者、死、診人、攘々大熱、其脉細小者、死、不治、傷寒熱病、脉盛躁、不得汗者、此陽之極、十死、不治、未得汗、脉躁疾、得汗生、不得汗、難瘥、頭痛、脉反濇、此為逆、不治、脉浮而大、易治、細微為難治、發汗若吐下者、若亡血、無津液者、而陰陽自和、必愈、夫下後發汗、其大小便不利、此亡津液、勿治、其小便必自愈、陽已虛、尺中弱者、不可發其汗、也、咽乾者、不可發其汗、也、傷寒、病、脉弦細、頭痛、而發熱、此為屬少陽、少陽不可發汗、發汗則誠語為屬胃、胃和則愈、不和則煩、而悸、少陰、病、脉細沈、而微、病在裏、不可發其汗、少陰、病、脉微、亦不可



發汗無陽故也陽已虛尺中弱澁者復不可下太陽病發熱而惡寒熱多而寒少脈微弱則無陽不可發其汗脈浮可發其汗發熱自汗出而不惡寒閉上脈細數不可吐若諸四逆病厥者不可吐虛象亦然寒多熱少可吐者此謂痰多也治瘧亦如之頭項不強痛其脈微胸中幅窄衝喉咽不得息可吐之治傷寒欲下之功其脈窄々實之脈或不能悉解宜摸視手掌微々汗濕者便可下矣若掌不汗病雖宜下且當消息溫暖身體都皆津液通掌亦自汗下之即了矣太陽之為病腹滿吐食不可下下之益甚時腹自痛下之胸下結窄脈浮可發其汗陽明病心下窄滿不可下下之遂利殺人不可不審不可脫尔禍福正在於此太陽與少陽合病心下窄

頭項強眩不可下三陽并病腹滿身重大小便調其脈浮窄而數渴欲飲水此不可下其湯熨針石別有正方補養宜道并今附於後

養生方道引法云端坐生腰徐以鼻內氣以右手持鼻閉目吐氣治傷寒頭痛洗々皆當以汗出為度

又云舉左手頓左手仰掌鼻內氣四十息之除身熱背痛傷寒發汗不解候傷寒初一日至二日病在皮膚名為

在表表者陽也法宜發汗今發汗而不解者此是陽不受病陽受病者其人身體疼痛發熱而惡寒勑蓄拘急脈洪大有此證候則為病在表發汗則愈若但煩熱不惡寒身不疼痛此為表不受病故雖強發其汗而不能解也



傷寒取吐候 傷寒太法四日病在胸高當吐之愈有得病二三日便心胸煩悶此為毒氣已入有痰實者便宜取吐

中風傷寒候 中風傷寒之狀陽浮熱自發陰弱汗自出畜々惡寒折々惡風喑々發熱鼻鳴乾嘔此其候也太陽病中風以火劫發其汗邪風被火熱血氣流溢失常兩陽相熏灼其身發黃陽盛即欲衄虛則小便難陰陽俱虛竭身體則枯燥但頭汗出齊頸而還腹滿微喘口乾咽爛或不大便久則誠言甚者至噦手足燥擾尋衣摸狀小便利者其人可治陽明中風口苦而咽乾腹滿微熱惡寒脈浮若緊下之則腹滿小便難陽明病能食為中風小能食為中寒少陽中風兩耳無聞目赤胸中

滿而煩不可吐之吐之則悸而驚太陰中風四支煩疼其脈陽微陰溢而長為欲愈少陰中風其脈陽微陰浮為欲愈厥陰中風其脈微浮為欲愈不浮為未愈

傷寒一日候 傷寒一日太陽受病太陽者膀胱之經也為三陽之首故先受病其脈絡於腰脊主於頭項故得病一日而頭項背膊腰脊病也

傷寒二日候 傷寒二日陽明受病陽明胃之經也主於肌肉其脈絡鼻入目故得病二日肉熱鼻乾不得眠也諸陽在表表始受病在皮膚之間可摩膏火灸發汗而愈

傷寒三日候 傷寒三日少陽受病少陽者膽之經也其脈循於脇上於頸耳故得病三日胸脇熱而耳聾也三陽經絡始相傳病未入於藏故皆可汗而解



傷寒四日候 傷寒四日太陰受病太陰者脾之經也為三陰之首是故三日已前陽受病訖傳之於陰而太陰受病焉其脈絡於脾主於喉嗌故得病四日腹滿而嗌乾也其病在胸膈故可吐而愈

傷寒五日候 傷寒五日少陰受病少陰者腎之經也其脈貫腎絡肺繫於舌故得病五日口乾舌乾渴而引飲也其病在腹故可下而愈

傷寒六日候 傷寒六日厥陰受病厥陰者肝之經也其脈循陰器絡於肝故得病六日煩滿而囊縮也此則陰陽俱受病毒氣在胃故可下而愈

傷寒七日候 傷寒七日病法當小愈陰陽諸經傳病竟故也今七日已後病反甚者欲為再經病也再經病者

是陰陽諸經絡重受病故也

傷寒八日候 傷寒八日病不解者或是諸陰陽經絡重受於病或因發汗吐下之後毒氣未盡所以病證猶有也

傷寒九日已上候 傷寒九日已上病不除者或初一經受病即不能相傳或已傳三陽訖而不能傳於陰致停滯累日病證不罷者或三陽三陰傳病已竟又重感於

寒名為兩感傷寒則府藏俱病故日數多而病候改變傷寒咽喉痛候 傷寒病過經而不愈脈反沈遲手足厥逆者此為下部脈不至陰陽隔絕邪客於足少陰之絡毒氣上熏故咽喉不利或痛而生瘡

傷寒斑瘡候 傷寒病證在表或未發汗或經發汗表解或吐下後而熱不除此毒氣盛故也毒既未散而表已



虛熱毒乘虛出於皮膚所以發斑瘡隱軫如錦文重者喉白身體皆成瘡也

**傷寒口瘡候** 夫傷寒冬時發其汗必吐利口中爛生瘡以其表裏俱虛熱熱不已毒氣熏上焦故也

**傷寒登豆瘡候** 傷寒熱毒氣盛多發胞瘡其瘡色白或赤發於皮膚頭作瘰癧戴白膿者其毒則輕有紫黑色作根隱々在肌肉裏其毒重則甚者五內七竅皆有瘡其瘡形如登豆故以名焉

**傷寒登豆瘡後滅癩候** 傷寒病發瘡者皆是熱毒所為其病折則瘡愈而毒氣尚未全散故瘡痂雖落其癩猶壓或凹凸肉起所以宜用消毒滅癩之藥以傳之

**傷寒謬語候** 傷寒四五日脉沈而喘滿者沈為在裏而

發汗其津液越出大便為難表虛裏實久久則誠語發汗後重發其汗亡陽誠語其脉反和者不死陽明病下血而誠語者此為熱入血室但頭汗出當刺期門穴隨其實者而瀉之澱然汗出者則愈病若讞言妄語身當有熱脉當得洪大而反手足四厥脉反沈細而微者死病也讞言妄語身熱脉洪大者生沈細微手足四逆者死

**傷寒煩候** 此由陰氣少陽氣勝故熱而煩滿也少陰病惡寒而拳時自煩欲去其衣被者可治也病脉已解而反發煩者病新瘥又強與穀脾胃氣尚弱不能消穀故令微煩損穀即愈少陰病脉微細而沈但欲卧汗出不煩欲自吐五六日自利後煩躁不得卧寐者死發汗後下之脉平而小煩此新虛不勝穀氣故也



傷寒虛煩候 傷寒發汗吐下已後府藏俱虛而熱氣不散故虛煩也

傷寒煩悶候 傷寒毒氣攻胃故煩悶或服藥已後表不解心下有水氣其人微嘔熱滿而煩悶也

傷寒渴候 傷寒渴者由熱氣入於藏流於少陰之經少陰主腎腎惡燥故渴而引飲

傷寒嘔候 傷寒陽明病熱入胃與穀氣并故令嘔或已經吐下虛熱在藏必飲水水入則胃家虛冷亦嘔也傷寒發熱無汗嘔不能食而反汗出漉然是為轉在陽明

傷寒嘔多雖有陽明證不可攻也少陰病下利脈微澁者即嘔汗者必救更衣反少當溫其上灸其厥陰渴欲飲水者與之愈

傷寒乾嘔候 此謂熱氣在於脾胃也或發汗解後胃中不和尚有蓄熱熱氣上熏則心下否結故乾嘔

傷寒吐逆候 傷寒少陰病其人飲食入則吐或心中溫溫欲吐不能當遂吐之若始得之手足寒脈弦遲此中有寒飲不可吐也當溫之病人脈數數為有熱當消穀引食反吐者師發其汗陽微其氣虛脈則為數數為客陽不能消穀胃中虛冷故也

傷寒噦候 傷寒大吐下之後極虛復虛極其水鬱以發其汗者因得噦所以然者背寒中冷故也傷寒噦而滿者視其前後知何部不利利之即愈陽明病能食下之不解其人不能食攻其熱必噦所以噦者胃中虛冷故也又病人本虛伏熱在胃則胸滿胸滿則氣逆氣逆不

傷寒噦候 傷寒大吐下之後極虛復虛極其水鬱以發其汗者因得噦所以然者背寒中冷故也傷寒噦而滿者視其前後知何部不利利之即愈陽明病能食下之不解其人不能食攻其熱必噦所以噦者胃中虛冷故也又病人本虛伏熱在胃則胸滿胸滿則氣逆氣逆不



可攻其熱攻其熱必噦

**傷寒喘候** 傷寒太陽病下之微喘者外未解故也夫發汗後飲水者必喘以水停心下腎氣乘心故喘也以水灌之亦令喘也

**傷寒厥候** 厥者逆也逆者謂手足逆冷也此由陽氣暴衰陰氣獨盛陰勝於陽故陽脈為之逆不通於手足所以逆冷也傷寒一日至四五日厥者必發熱前發熱者後必厥厥深熱亦深厥微熱亦微厥下之發其汗者口傷爛赤傷寒先厥發熱下利必自止而反汗出必咽啞中強痛甚為喉痺發熱無汗而利必自止不止便膿血便膿血者其啞不痺傷寒先厥者不可下之發熱而利者必止見厥復利傷寒病厥五日熱亦五日設六日當

復厥不厥之者自愈厥不遍熱五日發熱也發熱而厥七日而下利者為難治其脈從手足厥逆者可灸之  
下利手足厥無脈灸之不溫反微喘者死下利厥煩躁不能卧者死病六七日其脈數手足厥煩躁陰厥不還者死發熱下利至厥不止者死下利後其脈絕手足厥卒時脈還手足溫者為生不還者死

**傷寒悸候** 悸者動也謂心下悸動也此由傷寒病發汗已後因又下之之內有虛熱則渴渴則飲水水氣乘心必振寒而心下悸也太陽病小便不利者為多飲水心下必悸小便少者必苦裏急夫脈浮數法當汗出而愈而下之身體重心悸不可發汗當自汗出而解所以然者尺中微裏虛表實津液自和便自汗出愈也



**傷寒痙候**

痙之為狀身熱足寒項頸強惡寒時頭熱面自熱搖頭卒口噤背直身體反張是也此由肺移熱於腎傳而為痙痙有剛柔太陽病發熱無汗而反惡寒為剛痙發熱汗出而惡寒為柔痙診其脉沈細此為痙也

**傷寒心否候**

太陽少陰并病脉數緊而下之緊反入裏則作否否者心下滿也病發於陰者不可下下之則心下否按之自硬但氣否耳不可復下也若熱毒氣乘心下否滿面赤目黃在言恍惚者此為有實宜速吐下之

**傷寒結胸候**

結胸者謂熱毒結聚於心膈也此由病發於陽而早下之熱氣乘虛而否結不散也按之痛其

脉寸口浮關上反自沈是也脉大不可下下之即死脉浮而大反之為逆若陽脉浮關上細沈緊而飲食如故時小便利者名為藏結藏結病舌上白胎滑為難治不往來寒熱其人反靜舌上不利者不可攻之

重刊巢氏諸病源候總論卷之七終



*[Faint bleed-through text from the reverse side of the page]*

辨別卷之六

○傷寒病諸候下

凡四十四論

傷寒餘熱候

傷寒五臟熱候

傷寒變成黃候

傷寒心腹脹滿痛候

傷寒宿食不消候

傷寒大便不通候

傷寒小便不通候

傷寒熱毒利候

傷寒膿血利候

傷寒利候

傷寒病後胃氣不和利候

傷寒上氣候

傷寒欬嗽候

傷寒衄血候

傷寒吐血候



傷寒陰陽毒候

壞傷寒候

傷寒百合候

傷寒狐惑候

傷寒濕蘊候

傷寒下部痛候

傷寒病後熱不除候

傷寒病後渴候

傷寒病後不得眠候

傷寒病後虛羸候

傷寒病後不得食候

傷寒病後虛汗候

傷寒內有瘀血候

傷寒毒攻眼候

傷寒毒攻足候

傷寒毒流腫候

傷寒病後脚氣候

傷寒病後霍亂候

傷寒病後瘧候

傷寒病後渴利候

傷寒肺痿候

傷寒失聲候

傷寒陽泄精候

傷寒勞役候

傷寒病後食後候

傷寒病後令不復候

傷寒陰陽易候

傷寒交接勞役候

傷寒令不相染易候







苦隘乾內熱連足脛腹滿大便難小便赤黃腰脊痛者此腎熱也

**傷寒變成黃候** 陽明病無汗小便不利心中懊憹必發

黃若被火額上微汗出而但小便不利亦發黃其人狀變黃如橘色或如桃枝色腹微滿此由寒濕氣不散瘀熱在於脾胃故也

**傷寒心腹脹滿痛候** 此由其人先患冷痺因發熱病服

冷藥及飲冷水結在心下此為臍虛動於舊痺故也或吐下已後病不解內外有熱故心腹脹滿痛此為有實也

**傷寒宿食不消候** 吐謂被下後六七日不大便煩熱不

解腹滿而痛此為胃內有乾糞挾宿食故也或先患寒痺因有宿食又感於傷寒熱氣相搏故宿食不消

和

**傷寒大便不通候** 傷寒陽脈微而汗出少為自始汗出

多為太過陽明脈實因發其汗汗出多者亦為太過太過者陽氣絕於裏陽氣絕於裏則津液竭熱結在內故大便不通也

**傷寒小便不通候** 傷寒發汗後而汗出不止津液少胃

內極乾小腸有伏熱故小便不通也

**傷寒熱毒利候** 此由表實裏虛熱氣乘虛而入攻於腸

胃則下黃赤汁此熱毒所為也

**傷寒膿血利候** 此由熱毒傷於腸胃故下膿血如魚腦

或如爛肉汁壯熱而腸痛此濕毒氣盛故也

**傷寒利候** 傷寒病若表實裏虛熱乘虛而入攻於腸胃

則下黃赤汁若濕毒氣盛則腹痛壯熱下膿血如魚腦



如爛肉汁，若寒毒入胃，則腹滿身熱，下清上清者，不可攻其表，汗出必脹滿，表裏俱虛故也。傷寒六七日不利，更發熱而利者，其人汗出不止者死，但有陰無陽故也。下利有微熱，其人渴，脈弱者，今自愈；脈沈弱者，下重，其脈大者，為未止；脈微數者，為欲自止，雖發熱不死。少陰病八九日，而身手足盡熱，熱在膀胱，必便血，下利，脈浮數，尺中自滑，其人必清膿血。若利止惡寒而拳手足，溫者可治也。陽明病下利，其脈浮大，此皆為虛弱，強下之故。傷寒下利，日十餘行，其脈反實者死。

**傷寒病後胃氣不和利候** 此由初受病時毒熱氣盛多，服冷藥以自瀉下，病已後熱勢既退，冷氣乃動，故使心下幅牢噎噦，食臭，腹內雷鳴而泄利。此由脾胃氣虛

冷故也

**傷寒上氣候** 此由寒毒氣傷於太陽經也。太陽者肺也，肺主氣，肺虛為邪熱所客，客則脹，脹則上氣也。

**傷寒欬嗽候** 此由邪熱客於肺也。上焦有熱，其人必飲水，水停心下，則肺為之浮，肺主於欬，水氣乘之，故欬嗽。

**傷寒衄血候** 傷寒病血衄者，此由五臟熱結所為也。心主於血，肝藏於血，熱邪傷於心肝，故衄血也。衄者鼻血出也。肺主於氣，而開竅於鼻，血隨氣行，所以從鼻出。陽

明病口燥，但欲漱水不欲咽者，必衄。衄家不可攻其表，汗出額上蒼急而緊直視而不能胸，不得眠，亡血不可及其表，汗出則寒慄而振，肺浮緊發熱，其身無汗，自衄者愈。

脈



**傷寒吐血候** 此由諸陽受邪熱初在表應發汗而汗不發致使熱毒入深結於五臟內有瘀積故吐血

**傷寒陰陽毒候** 夫欲辨陰陽毒病者始得病時可看手足指冷者是陰不冷者是陽若冷至一二三寸者病微若至肘膝為病極過此難治陰陽毒病無常也或始得病便有毒或服湯藥經五六日以上或十餘日後不瘥變成毒者其候身重背強喉咽痛糜粥不下毒氣攻心心腹煩痛短氣四支厥逆嘔吐體如被打發斑此皆其候重過三日則難治陽毒者面自赤或便膿血陰毒者面自青而體冷若發赤斑十生一死若發黑斑十死一不活五日可治九日死十日亦死

**壞傷寒候** 此謂得病十二日已上六經俱受病訖或已發汗吐下而病證不解邪熱留於腑臟致令病候多變故曰壞傷寒本太陽病不解轉入少陽脇下牢滿乾嘔不能食往來寒熱尚未吐下其脈沈緊與小柴胡湯若已吐下發汗飲柴胡證罷此為壞病知犯何逆以法治之寸口脈洪而大數而滑洪大榮氣長滑數胃氣實榮長陽助盛鬱拂不得出胃實即牢大便難即乾燥三焦閉塞津液不通醫已發陽氣盛不用復重下之胃燥畜大便遂瀆小便不利榮衛相搏煩心發熱兩目如火鼻乾面正赤舌燥齒黃焦故大渴過經成壞病

**傷寒百合候** 百合病者謂無經絡百脉一宗悉致病也多因傷寒虛勞大病之後不平復變成斯疾也其狀意



欲食復不能食常默々欲得卧復不得卧欲出行復不能行飲食或有美時或有不田欲時如強健人而卧不能行如有寒復如無寒如有熱復如無熱若小便赤黃百合之病諸藥不能治得藥即劇吐利如有神靈者身形如和其人脉微數每尿輒頭痛其病六十日乃愈若尿頭不痛泫々然者四十日愈若尿快然但眩者二十日愈體證或未病而預見或病四五日而出或病二十日一月微見其狀惡寒而嘔者病在上焦也二十三日當愈其狀腹滿微喘大便鞞三四日大便時復小溏者病在中焦也六十三日當愈其狀小便淋瀝難者病在下焦也四十三日當愈各隨其證以治之耳

**傷寒狐惑候** 夫狐惑一病者是喉陰之為病也初得狀

如傷寒或因傷寒而變成斯病其狀默々欲眠目擊不得卧起不安蟲食於喉咽為惑食於陰肛為狐惡飲食不欲聞食臭其人面自翁赤翁黑翁白食於上部其聲啞食於下部其咽乾此皆由濕毒氣所為也

**傷寒濕匿候** 凡得傷寒時氣熱病腹內有熱又人食少腸胃空虛三蟲行作求食食入五藏及下部匿病之候齒無色舌上盡白甚者唇裏有瘡四支沉重忽々喜眠如此皆為蟲食其肛肛亂見五藏即死當數看其上脣內有瘡唾血脣內如粟瘡者則心內懊懣痛此蟲在上食其五藏下脣内生瘡者其人不寤此蟲食下部皆能殺人

**傷寒下部痛候** 此由大腸偏虛毒氣衝於肛門故下部



卒痛甚者痛如鳥喙

**傷寒病後熱不除候**

此謂病已間五藏尚虛客邪未散真氣不復故日暮猶有餘熱如瘧狀此非真實但客熱也

**傷寒病後渴候**

此謂經發汗吐下已後腑藏空虛津液竭絕腎家有餘熱故渴

**傷寒病後不得眠候**

夫衛氣晝行於陽夜行於陰陰主夜夜主卧謂陽氣盡陰氣盛則目瞑矣今熱氣未散與諸陽并所以陽獨盛陰偏虛雖復病後仍不得眠者陰氣未復於本故也

**傷寒病後虛羸候**

其人血氣先虛復為虛邪所中發汗吐下之後經絡損傷陰陽竭絕熱邪始散真氣尚少五藏猶虛穀神未復無津液以榮養故虛羸而生病焉

傷寒病後不能食候 此由陽明太陰受病被下之後其熱已除而脾胃為之虛冷穀氣未復故不能食也

傷寒病後虛汗候 夫諸陽在表陽氣虛則自汗心主於汗心藏偏虛故其液妄出也

傷寒內有瘀血候 夫人先瘀結在內因傷寒病若熱搏於久瘀則發熱如狂若有寒則小腹滿小便反利此為血瘀宜下之其脉沈結者血證諦也

傷寒毒攻眼候 肝開竅於目肝氣虛熱乘虛上衝於目故目赤痛重者生瘡翳白膜息肉

傷寒毒攻足候 此由熱毒氣從內而出循經絡攻於足也人五臟六腑并榮俞皆出於手足指故毒從臟腑而出

傷寒毒流腫候 人陰陽俱虛濕毒氣與風熱相搏則榮

傷寒毒攻足候 此由熱毒氣從內而出循經絡攻於足也人五臟六腑并榮俞皆出於手足指故毒從臟腑而出



衛濕則血氣不散血氣不散則邪熱致壅隨其經絡所生而流腫也

**傷寒病後脚氣候** 此謂風毒濕氣滯於腎經腎主腰脚今腎既濕故脚弱而滿其人小腸有餘熱即小便不利則氣上脚弱而氣上故為脚氣也

**傷寒病後霍亂候** 霍亂吐下利止後更發熱傷寒其脉微澀本是霍亂今是傷寒却四五日至後經上轉入陰當利本素嘔下利者不治若其人即欲大便但反失氣而不利是為更屬陽明心強二三日愈所以然者經竟故也下後當強強能食者愈今反不能食到後經中頗能食後一經能食過之一日當愈若不愈者不屬陽明也惡寒脉微而後利利止必亡血

**傷寒病後瘧候** 病後邪氣未散陰陽尚虛因為勞事致二氣交爭陰勝則發寒陽勝則發熱故寒熱往來有時休作而成瘧也

**傷寒病後渴利候** 此謂大渴飲水而小便多也其人先患勞損大病之後腎氣虛則熱熱垂乏則腎燥腎燥則渴渴則引水腎虛則不能制水故飲水數升小便亦數升名曰渴利也

**傷寒肺萎候** 大發汗後因復下之則亡津液而小便反利者此為上虛不能制於下也虛邪中於肺肺萎之病也欲熱而不能唾濁涎沫此為肺萎之病也

**傷寒失聲候** 邪客於肺肺主聲而通於氣今外邪與真氣相搏真氣虛而邪氣勝故聲為之不通也



**傷寒夢泄精候**邪熱乘於腎則陰氣虛陰氣虛則夢交  
通腎藏精今腎虛不能制於精故因夢而泄

**傷寒勞復候**傷寒病新瘥津液未復血氣尚虛若勞動  
早更復成病故云復也若言語思慮則勞神梳頭澡洗  
則勞力勞則生熱熱氣乘虛還入經絡故復病也其脉  
緊者宜下之

**傷寒病後食復候**傷寒病新瘥及大病之後脾胃尚虛  
穀氣未復若食猪肉腸血肥魚及炙臠物必大下利醫  
所不能治也必至於死若食餅糲黍飴餠炙餹棗栗諸  
菓脯物及牢強難消之物胃氣虛弱不能消化必更結  
熱適以藥下之則胃虛冷太利難禁不可下之必死下  
之亦危皆難救也大病之後多坐此死不慎護也夫病

之新瘥後但得食糜粥宜少食乃飢慎勿飽不得他  
所食雖思之勿與引日轉久可漸食羊肉糜若羔美慎不  
可食猪狗等肉

**傷寒病後令不復候**傷寒病後多因勞動不節飲食過  
度更發於病名之為復復者謂復病如初也此由經絡  
尚虛血氣未實更致於病耳今預服藥及為方法以防  
之故云令不復也

**傷寒陰陽易候**陰陽易病者是男子婦人傷寒病新瘥  
未平復而與之交接受得病者名為陰陽易也其男子病  
新瘥未平復而婦人與之交接受得病者名陽易其婦人  
得病新瘥未平復而男子與之交接受得病者名陰易若  
二男一女並不相易所以呼為易者陰陽相感動其毒



度著如入之換易也其得病之狀身體熱衝胃頭重不能舉眼内生眵四支拘急小腹疝痛手足拳皆即死其亦有不即死者病苦小腹裏急熱上衝胃頭重不欲舉百節解離經脈緩弱氣血虛骨髓空竭便恍々吸々氣力轉少著牀不能搖動起居仰人或引歲月方死

**傷寒交接勞復候**

夫傷寒病新瘥未滿百日氣力未平復而以房室者略無不死也有得此病愈後六十日其人已能行射獵因而房室即吐涎而死病雖云瘥若未平復不可交接必小腹急痛手足拘拳二時之間亡茫茫方云故督郵顧子獻得病已瘥未捷詣華專視脈專曰雖瘥尚虛未平復陽氣不足勿為勞事也能勞尚可女勞即死臨死當吐舌數寸獻婦聞其瘥從百餘里來省

乏住數宿止交接之間二日死婦人傷寒雖瘥未滿百日氣血骨髓未平實而合陰陽快者當時乃未即覺惡經白則令百節解離經絡緩弱氣血虛骨髓空竭便恍恍吸々氣力不足著牀不能動搖起居仰人食如故是其證也丈夫亦然其新瘥虛熱未除而快意交接者皆即死若瘥後與童男交接者多不發復復者亦不必死傷寒令不相染易候傷寒之病但人有自觸冒寒毒之氣生病者此則不染著他人若因歲時不和溫涼失節人感其乖戾之氣而發病者此則多相染易故須預服藥及為方法以防之

重刊巢氏諸病源候總論卷之八終



卷之九

○時氣病諸候

凡四十三論

時氣候

時氣一日候

時氣二日候

時氣三日候

時氣四日候

時氣五日候

時氣六日候

時氣七日候

時氣八日九日已上候

時氣取吐候

時氣煩候

時氣狂言候

時氣嘔候

時氣乾嘔候

時氣噦候

時氣嗽候

[Faint bleed-through text from the reverse side of the page]



時氣渴候

時氣衄血候

時氣吐血候

時氣口瘡候

時氣喉咽痛候

時氣發斑候

時氣毒攻眼候

時氣毒攻手足候

時氣炮瘡候

時氣癩瘡候

時氣蠱候

時氣熱利候

時氣膿血利候

時氣蠱利候

時氣大便不通候

時氣小便不通候

時氣陰陽毒候

時氣變成黃候

時氣變成癰候

時氣敗候

時氣勞復候

時氣食復候

時氣病瘳後交接勞復候

時氣病後陰陽易候

時氣病後虛羸候

時氣陰莖腫候

時氣令不相染易候

○熱病諸候

凡二十八論

熱病候

熱病一日候

熱病二日候

熱病三日候

熱病四日候

熱病五日候

熱病六日候

熱病七日候

熱病八九日已上候

熱病解肌發汗候



熱病煩候

熱病炮瘡候

熱病班瘡候

熱病熱瘡候

熱病口瘡候

熱病咽喉瘡候

熱病大便不通候

熱病小便不通候

熱病下利候

熱病醫候

熱病毒攻眼候

熱病毒攻手足候

熱病嘔候

熱病噦候

熱病口乾候

熱病衄候

熱病勞復候

熱病後沈滯候

重刊巢氏病源候總論卷之九

時氣病諸候

凡四十三論

時氣候 時行病者是春時應暖而反寒夏時應熱而反冷秋時應涼而反熱冬時應寒而反溫非其時而有其氣是以一歲之中病無長少率相似者此則時行之氣也從春分後其中無暴太寒不冰雪而人有壯熱為病者此則屬春時陽氣發於冬時伏寒變為溫病也從春分以後至秋分節前天有暴寒者皆為時行寒疫也一名時行傷寒此是節候有寒傷於人非觸冒之過也若三月四月有暴寒其時陽氣尚弱為寒所折病熱猶小輕也五月六月陽氣已盛為寒所折病熱則重也七月八月陽氣已衰為寒所折病熱亦小微也其病與溫及



暑病相似但治有殊耳然得時病一日在皮毛當摩膏  
火灸愈不解者二日法針服汗解散汗出愈不解三日  
復發汗若大汗即愈不解止勿復發汗也四日服藜蘆  
丸微吐愈若病固藜蘆丸不吐者服赤豆瓜蒂散吐已  
解視病者尚未了者復一法針之當解不愈者六日  
熱已入胃乃與雞子湯下之愈百無不如意但當諦視  
節度與病耳食不消病亦如時行俱發熱頭痛食病當  
速下之時病當待六七日下之時病始得一日在皮二  
日在膚三日在肌四日在胃五日入胃入胃乃可下也  
熱在胃外而下之熱承虛便入胃然病要當復下之不  
得下胃中餘熱置此為病二死一生此輩不愈胃虛熱  
入胃爛微者赤班出五死一生劇者黑班出十死一生

病人有強弱相倍也若得病無熱但狂言煩躁不安精  
神語言與人不相主當者勿以火迫但以猪苓散一方  
寸匕已上飲之以一升外若外半水可至一升益佳當以  
新汲井水強令飲以指刺喉中吐之隨手愈不時吐者  
此病皆多不瘥勿以餘藥治也不相主當必危若此病  
不時以猪苓散吐解之者甚殆速死亦可先以法針之  
尤佳以病者過日不以時得下之熱不得泄亦胃爛矣  
其湯熨針石別有正方補養宜導今附於後  
養生方導引法云清旦初起以左右手交互從頭上挽  
兩耳舉又引鬚髮即流通令頭不白耳不聾又摩手掌  
令熱以摩面從上下二十七正去肝氣令面有光又摩手  
令熱從體上下名曰乾浴令人勝風寒時氣寒熱頭痛



百病皆愈

時氣一日候 時氣病一日太陽受病，太陽為三陽之首，主於頭項，故得病一日頭項腰脊痛。

時氣二日候 時氣病二日陽明受病，陽明主於肌肉，其脉絡鼻入目，故病二日內熱鼻乾不得眠，夫諸陽在表始受病，故可摩膏火灸發汗而愈。

時氣三日候 時氣病三日少陽受病，少陽脉循於脇上於頸耳，故得病三日脅熱而耳聾也。三陽經絡始相傳，病未入於藏，故可汗而愈。

時氣四日候 時氣病四日太陰受病，太陰為三陰之首，三日已後諸陽受病訖，即傳之於陰。太陰之脉主於喉，故得病四日腹滿而噎乾，其病在胃，故可吐而愈也。

時氣五日候 時氣病五日少陰受病，少陰脉貫腎絡肺繫於舌，故得病五日口熱舌乾而引飲，其病在腹，故可下而愈。

時氣六日候 時氣病六日厥陰受病，厥陰脉循陰器絡於肝，故得病六日煩滿而陰縮，此為三陰三陽俱受病，毒氣入於腸胃，故可下而愈。

時氣七日候 時氣病七日法當小愈，所以然者，陰陽諸經傳病竟故也。今病不除者，欲為再經病也。再經病者，謂經絡重受病也。

時氣八九日已上候 時氣病八九日已上不解者，或是諸經絡重受於病，或已發汗吐下之後，毒氣未盡，所以病不能除，或一經受病未即相傳，致使停滯，累日病證。



不改者故皆當察其證候而治之

**時氣取吐候**

夫得病四日毒在胃膈故宜取吐有得病

二三日便心曾煩滿此為毒氣已入或有五六日已上

毒氣猶在上焦者其人有痰實故也所以復宜取吐也

**時氣煩候**

夫時氣病陰氣少陽氣多故身熱而煩其毒

氣在於心而煩者則令人悶而欲嘔若其人胃內有燥

糞而煩者則謬語時繞臍痛腹為之滿皆當察其證候也

**時氣狂言候**

夫病甚則棄衣而走登高而歌或至不食

數日踰垣上屋所上非其素時所能也病反能者皆陰

陽爭而外并於陽四支者諸陽之本也邪盛則四支實

實則能登高而歌熱盛於身故棄衣而走陽盛故妄言

罵詈不避親戚太熱遍身狂言而妄見妄聞之

水

**時氣嘔候**

胃家有熱穀氣入胃與熱相并氣逆則嘔或

吐下後飲食多胃虛冷亦為嘔也

**時氣乾嘔候**

熱氣在於脾胃或發汗解後或大下之後

胃內不和尚有蓄熱熱氣上熏故心煩而嘔也

**時氣噦候**

伏熱在胃令人胃滿則氣逆氣逆則噦若不

下後胃氣虛冷亦令致噦也

**時氣嗽候**

熱邪客於肺上焦有熱其人必飲水水停心

下則上乘於肺故上氣而嗽也

**時氣渴候**

熱氣入於腎藏腎惡燥熱氣盛則腎燥腎燥

故渴而引飲也

**時氣衄血候**

時氣衄血者五臟熱結所為心主於血邪

熱中於手少陰之經客於足陽明之絡故衄血也衄者



血從鼻出也

**時氣吐血候** 諸陽受病不發其汗熱毒入深結在五臟內有瘀血積故令吐血也

**時氣口瘡候** 發汗下後表裏俱虛而毒氣未盡熏於上焦故喉口生瘡也

**時氣喉咽痛候** 陰陽隔絕邪客於足少陰之絡毒氣上熏攻於咽喉故痛或生瘡也

**時氣發斑候** 夫熱病在表已發汗未解或吐下後熱毒氣不散煩躁謬言語此為表虛裏實熱氣躁於外故身體發斑如錦文凡發斑不可用發表藥令瘡開泄更增斑爛表虛故也

**時氣毒攻眼候** 肝開竅於目肝氣虛熱毒乘虛上衝於

目故赤痛或生翳赤白膜息肉及瘡也

**時氣毒攻手足候** 熱毒氣從藏府出攻於手足手足則燄熱赤腫疼痛也人五藏六府并榮俞皆出於手足指故此毒從內而出也

**時氣胞瘡候** 夫表虛裏實熱毒內盛則多發胞瘡重者周巾遍身其狀如火瘡若根赤頭白者則毒輕若色紫黑則毒重其瘡形如登豆亦名登豆瘡

**時氣癩瘡候** 夫病新瘥血氣未復皮膚尚康疎而觸官風日則徧體起細瘡癢痒如癬疥狀名為逆風

**時氣匿候** 毒氣結在腹內穀氣衰毒氣盛三蟲動作食人五臟多令洩利下部瘡痒若膺内生瘡但欲寐者此蟲食下部也重者肛爛見五藏也



外臺腸胃作腸  
腸胃

**時氣熱利候**

此由熱氣在於腹胃，挾毒則下黃赤汁也。

**時氣膿血利候**

此由熱傷於腸胃，故下膿血如魚腦，或如爛肉汁，壯熱而腹疔痛，此濕毒氣所為也。

**時氣蜜利候**

夫熱蓄在藏多，令人下利。若毒氣盛則變膿血，因而成蜜。蜜者蟲食入五藏及下部也。若食下部，則令穀道生瘡而下利，名為蜜利。若但生瘡而不利者，為蜜也。

**時氣大便不通候**

此由脾胃有熱發汗，太過則津液竭，津液竭則胃乾結熱在內，大便不通也。

**時氣小使不通候**

此由汗後津液虛少，其久小腸有積熱，故小便不通也。

**時氣陰陽毒候**

此謂陰陽二氣偏盛，則受於毒。若病身重，腰脊痛，煩悶，面赤斑出，咽喉痛，或下利狂走，此為陽毒。若身重，背強，短氣，嘔逆，唇青，面黑，四支逆冷，為陰毒。或得病數日，變成毒者，或初得病，便有毒者，皆宜依證急治。失候則殺人。

**時氣變成黃候**

夫時氣病濕毒氣盛，蓄於脾胃，脾胃有熱，則新穀鬱蒸，不能消化，大小便結澀，故令身面變黃，或如橘柚，或如桃枝色。

**時氣變成瘡候**

病後邪氣未散，陰陽尚虛，因為勞事，致二氣交爭，陰勝則發寒，陽勝則發熱，故令寒熱往來，有時休作而成瘡。

**時氣收候**

此謂病後餘毒未盡，形證變轉，久而不瘥，陰陽無復，綱紀名為敗病。



**時氣勞復候** 夫病新瘥者，血氣尚虛，津液未復，因即勞動，更成病焉。若言語思慮，則勞於神；梳頭澡洗，則勞於力。未堪勞而強勞之，則生熱。熱氣還經絡，復為病者，名曰勞復。

**時氣食復候** 夫病新瘥者，脾胃尚虛，穀氣未復。若即食肥肉、魚鱠、餅餌、棗栗之屬，則未能消化，停積在於腸胃，使脹滿結實，因更發熱，復為病者，名曰食復也。

**時氣病瘥後交接勞復候** 夫病新瘥者，陰陽二氣未和，早合房室，則令人陰腫入腹，腹內疝痛，名為交接勞復。  
**時氣病後陰陽易候** 陰陽易病者，是男子婦人時氣病新瘥未平復而與之交接，得病者，名陰陽易也。其男子病新瘥未平復而婦人與之交接，得病者，名曰陽易。其

婦人得病，新瘥未平復而男子與之交接，得病者，名曰陰易。若二男二女，亦不相易，所以呼為易者，陰陽相感動，其毒度著於人，如換易也。其病之狀，身體熱，衝冒頭重，不能舉，眼中生淚，四支拘急，小腹疝痛，手足拳，皆即死。其亦有，不即死者，病苦，小腹裏急，熱氣上衝，曾頭重，不欲舉，百節解離，經脈緩弱，氣血虛，骨髓竭，使怵々吸，吸氣力轉少，若此，不能搖動，起居仰人，或引歲，日方死。  
**時氣病後虛羸候** 夫人榮衛先虛，復為邪熱所中，發汗吐下之後，經絡損傷，陰陽竭絕，虛邪始散，真氣尚少，五臟猶虛，穀神未復，無津液以榮養，故虛羸而生。眾病焉。  
**時氣陰莖腫候** 此由腎臟虛所致，腎氣通於陰，合腎為熱邪所傷，毒氣下流，故令陰腫。



時氣令不相染易候 夫時氣病者此皆因歲時不和溫涼失節人感乖戾之氣而生病者多相染易故預服藥及為方法以防之

熱病諸候

凡二十八論

熱病候 熱病者傷寒之類也冬傷於寒至春變為溫病夏變為暑病暑病者熱重於溫也肝熱病者小便先黃腹痛多卧身熱熱爭則狂言及驚脇滿痛手足躁不安卧庚辛甚甲乙大汗氣逆則庚辛死心熱病者先不樂數日乃熱熱爭則卒心痛煩冤善嘔頭痛面赤無汗至壬癸甚丙丁大汗氣逆則壬癸死脾熱病者先頭重煩痛煩心欲嘔身熱熱爭則腰痛腹滿泄兩頰痛甲乙甚戊己大汗氣逆則甲乙死肺熱病者先泄然起毛惡風

堪

曰下曰

舌上黃身熱熱爭則喘咳痺走曾應背不得太息頭重不汗出而寒丙丁甚庚辛大汗氣逆則丙丁死腎熱病者先腰痛脛酸苦渴數飲身熱熱爭則項痛而強脛寒骨且酸足下熱不欲言其項痛淖澹戊己甚壬癸大汗氣逆則戊己死肝熱病者左頰先赤心熱病者額先赤脾熱病者鼻先赤肺熱病者右頰先赤腎熱病者頤先赤凡病雖未發見其赤色者刺之名曰治未病一日汗不出大瀉發者死二日泄而腹滿甚者死三日目不明熱不已者死四日老人嬰兒熱而腹滿者死五日汗不出嘔血者死六日舌本爛熱不已者死七日發血衄血汗不出出不至足者死八日髓熱者死九日熱而瘥者死凡此者不可刺也熱病已得汗而脉尚躁盛此陰

海原卷九



脉之極也死其得汗而脉靜者生熱病者脉常盛躁而不得汗者此陽脉之極也死脉盛躁得汗者生熱病七八日脉微小病者瘦血口中乾一日半死脉代一日死熱病已得汗脉尚數躁而喘且復熱勿庸刺喘甚者死熱病七八日脉不躁躁不數後三日中有汗三日不汗四日死未常汗者勿庸刺也診入熱病七八日其脉微小口乾脉代舌焦黑者死診入熱病七八日脉不數不喘者當瘖之後三日温汗不出者死熱病已得汗當熱不妄者亦死不治也脉靜安者生脉躁者難治脉常躁靜此氣之極亦死也腹鞞常喘而熱不退者死多汗脉虛小者生鞞實者死養生方去三月勿食陳廩必遭熱病

熱病一日候

熱病一日病在太陽太陽主表表謂皮膚

常

也病在皮膚之間故頭項腰脊疼痛

熱病二日候

熱病二日陽明受病病在肌肉故肉熱鼻乾不得眠故可摩膏火灸發汗而愈

熱病三日候

熱病三日諸陽相傳病訖病猶在表未入於臟故胃脇熱而耳聾故可發汗而愈

熱病四日候

熱病四日太陽受病太陰者三陰之首也三陽受病訖傳入於陰故毒氣已入胃其病喉乾腹滿故可吐而愈

熱病五日候

熱病五日少陰受病毒氣入腹內其病口舌乾而引飲故下而愈

熱病六日候

熱病六日厥陰受病毒氣入腸胃其人煩滿而陰縮故可下而愈



**熱病七日候** 熱病七日三陰三陽傳病訖病法當愈今病不除者欲為再經病也再經者謂經絡重受病也

**熱病八九日已上候** 熱病八九日已上不解者皆由毒氣未盡所以病證不除也

**熱病解肌發汗候** 此謂得病三日已還病法在表故宜發汗或病已經五六日然其又喉口不焦乾心腹不滿又不引飲但頭痛身體壯熱脉洪大者此為病證在表

味入於藏故雖五六日猶須解肌發汗不可苟依日數輒取吐下

**熱病煩候** 此由陽勝於陰熱氣獨盛不結於藏則三焦隔絕故身熱而煩也

**熱病胞瘡候** 夫熱病胞瘡者此由表虛裏實熱氣盛則

發瘡重者周市遍身若瘡色赤頭白則毒輕色紫重則毒重其形如登豆故名登豆瘡

**熱瘡斑瘡候** 夫病在表或未發汗或已發汗吐下後表證未解毒氣不散煩熱而渴渴而不能飲表虛裏實故身體發斑如錦文

**熱病熱瘡候** 人藏府虛實不調則生於客熱表有風濕與熱氣相搏則身體生瘡痒痛而膿汁出甚者一瘡一

刺此風熱所為也

**熱病口瘡候** 此由脾藏有熱衝於上焦故口生瘡也

**熱病咽喉瘡候** 上實下虛熱氣內盛熏於咽喉故生瘡也



者此由三焦否隔脾胃不和蓄熱在內亦大便不通也  
熱病小便不通候熱在膀胱流於小腸熱盛則脾胃乾  
津液少故小便不通也

**熱病下利候** 熱氣攻於腸胃胃虛則下赤黃汁挾毒則  
成膿血

**熱病蠶候** 熱氣攻於腸胃則穀氣棄所以三蟲動作食  
人五藏及下部重者肛爛見府藏

**熱病毒攻眼候** 肝藏開竅於目肝氣虛熱毒乘虛則上  
衝於目重者生瘡翳及赤白膜也

**熱病毒攻手足候** 夫熱病攻手足及人五藏六府并榮  
俞皆出於手足指今毒氣從府藏而出循於經絡攻於  
手足故手足指皆腫亦燥痛也

赤

**熱病嘔候** 胃內有熱則穀氣不和新穀入胃與熱氣相  
搏胃氣不平故嘔或吐下已後臟虛亦令嘔也

**熱病噦候** 伏熱在胃則令人胃滿胃滿則氣逆氣逆則  
噦若大下已後飲水多胃內虛冷亦令噦也

**熱病口乾候** 此由五藏有虛熱脾胃不和津液竭少故  
口乾也

**熱病衄候** 心藏傷熱所為也心主血肺主氣開竅於鼻  
邪熱與血氣并故衄也衄者血從鼻出也

**熱病勞復候** 夫熱病新瘥津液未復血氣尚虛因勞動  
早勞則生熱熱氣乘虛還入經絡故復病也

**熱病後沈滯候** 凡病新瘥後食猪肉及腸血肥魚脂膩  
必大下利醫所不能復治也必至於死若食餅餌菜飴



哺灸膾棗栗諸菓物脯及半實難消之物胃氣尚虛弱不能消化必結熱復病還以藥下之

重刊巢氏諸病源候總論卷之九終

卷之十

○温病諸候

凡三十四論

温病候

温病一日候

温病二日候

温病三日候

温病四日候

温病五日候

温病六日候

温病七日候

温病八日候

温病九日已上候

温病發斑候

温病頰候

温病狂言候

温病嗽候

温病嘔候

温病噦候



温病渴候

温病取吐候

温病變成黃候

温病咽喉痛候

温病毒攻眼候

温病衄候

温病吐血候

温病下利候

温病膿血利候

温病大便不通候

温病小便不通候

温病下部瘡候

温病勞復候

温病食復候

温病陰陽易候

温病交接復候

温病瘥後諸病候

温病令人不相染易候

○疫癘病諸候

凡三論

疫癘病候

疫癘疽瘡候

瘡氣候



重刊巢氏諸病源候總論卷之十

溫病諸候

凡三十四論

**溫病候** 經言春氣溫和夏氣暑熱秋氣清涼冬氣冰寒此四時正氣之序也冬時嚴寒萬類深藏君子固密則不傷於寒觸冒之者乃為傷耳其傷於四時之氣皆能為病而以傷寒為毒者以其最為殺厲之氣焉即病者為傷寒不即病者為寒毒藏於肌膚中至春變為溫病是以辛苦之人春夏必有溫病者皆由其冬時觸冒之所致也凡病傷寒而成溫者先夏至日者為病溫後夏至日者為病暑其冬復有非節之暖名為冬溫毒與傷寒大異也有病溫者汗出輒復熱而脉躁病不為汗衰狂言不能食病名為衄也曰病名曰陰陽交陰陽交者



死人所以汗出者皆生於穀穀生於精今邪氣交爭於  
骨肉之間而得汗者是邪却而勝精則當食而不復熱  
熱者邪氣也汗者精氣也令汗出而輒復熱者是邪勝  
也汗出而脉尚躁盛者死今脉不與汗相應此不稱其  
病也其死明矣在言者是失志失志者死今見三死不  
見一生雖愈必死凡皮膚熱甚脉盛躁者病温也其脉  
盛而滑者汗且出也凡温病人二三日身軀熱脉疾頭  
痛食欲如故脉直疾八日死四五日頭痛脉疾喜吐脉  
來細十二日死此病不治八九日脉不疾身不痛目不  
赤色不變而反利脉來牒々按不彈手時大心下鞞十  
七日死病三四日以下不得汗脉大疾者生脉細小難  
得者死不治也下利腹中痛甚者死不治其湯熨針石

別有正方存神攘辟今附於後

養生方導引法云常以雞鳴時存心念四海神名三遍  
辟百邪止鬼令人不病

東海神名阿明

南海神名祝融

西海神名巨乘

北海神名禺強

又云存念心氣赤肝氣青肺氣白脾氣黃腎氣黑出周

其身又兼辟邪鬼欲辟却衆邪百鬼常存心為灸火如  
斗煌々光明則百邪不敢于之可以入温疫之中

温病一日候 温病一日太陽受病諸陽主表表謂皮膚  
也病在皮膚之間故頭項腰脊痛

温病二日候 温病二日陽明受病病在於肌肉故肉熱  
鼻乾不得眠故可摩膏火灸發汗而愈



溫病三日候 溫病三日少陽受病故胃脅熱而耳聾  
陽始傳病訖未入於藏故可發汗而愈

溫病四日候 溫病四日太陽受病太陽者三陰之首也  
三陽受病訖傳入於陰故毒氣入胃膈之內其病咽乾  
腹滿故可吐而愈

溫病五日候 溫病五日少陰受病毒氣入腹其病口熱  
舌乾而引飲故可下而愈

溫病六日候 溫病六日厥陰受病毒氣入腹胃其病煩  
滿而陰縮故可下而愈

溫病七日候 溫病七日病法當愈此是三陰三陽傳病  
竟故也今七日病不除者欲為再經病也再經病者經  
絡重受病也

溫病八日候 溫病八日已上病不解者或是諸經絡重受  
於病或經發汗吐下之後毒氣未盡所以病證不罷也

溫病九日已上候 溫病九日已上病不除者或初一經  
受病即不能相傳或已傳三陽訖而不能傳於三陰所  
以停滯累日病證不罷皆由毒氣未盡表裏受邪經絡  
損傷府藏俱病也

溫病發斑候 夫人冬月觸冒寒毒者至春始發病病初  
在表或已發汗吐下而表證未罷毒氣不散故發斑瘡  
又冬月天時溫暖人感乖戾之氣未即發病至春又被  
積寒所折毒氣不得發泄至夏遇熱溫毒始發出於肌  
膚斑爛隱軫如錦文也

溫病煩候 此由陰氣少陽氣多故身熱而煩其毒氣在



於心府而煩者則令人悶而欲嘔若其胃內有燥糞而煩者則謬語而繞臍痛也

**溫病狂言候** 夫病甚則棄衣而走登高而歌或至不食數日踰垣上屋所上非其素時所能也病反能者皆陰

陽爭而外并於陽四支者諸陽之本也邪盛則四支實實則能登高而歌熱盛於身故棄衣而走陽盛故妄言

罵詈不避親戚大熱遍身狂言而妄聞視也

**溫病嗽候** 邪熱客於胃府上焦有熱其人必飲水水停

心下則上乘於肺故令嗽

**溫病嘔候** 胃中有熱穀氣入胃與熱相并氣逆則嘔或

吐下後飲水多胃虛冷亦為嘔也

**溫病噦候** 伏熱在胃令人胃滿胃滿則氣逆氣逆則噦

若大下後胃氣虛冷亦令致噦

**溫病渴候** 熱氣入於腎蔽腎蔽而燥熱盛則腎燥腎燥

則渴引飲

**溫病取吐候** 溫病熱發四日病在胃當吐之愈有得

病一二日便心胃煩滿為毒已入兼有痰實亦吐之

**溫病變成黃候** 發汗不解溫毒氣瘀結在胃小便為之

不利故變成黃身如橘色

**溫病咽喉痛候** 熱毒在於胃府三焦隔絕邪客於足少

陰之絡下部脉不通熱氣上攻喉咽故痛或生瘡也

**溫病毒攻眼候** 肝開竅於目肝氣虛熱毒乘虛上衝於

目故赤痛重者生瘡翳也

**溫病衄候** 由五臟熱結所為心主血肺主氣而開竅於



鼻邪熱傷於心故衄衄者血從鼻出也

溫病吐血候 諸陽受邪熱初在表應發汗而不發致熱毒入深結於五藏內有瘀血積故吐血也

溫病下利候 風熱入於腸胃故令洞泄若挾毒則下黃赤汁及膿血

溫病膿血利候 熱毒甚者傷於腸胃故下膿血如魚腦或如爛肉汁此由溫毒氣盛故也

溫病大便不通候 脾胃有積熱發汗太過則津液少使胃乾結熱在內故大便不通

溫病小便不通候 發汗後津液少膀胱有結熱移入於小腸故小便不通也

溫病下部瘡候 熱攻腸胃毒氣既盛穀氣漸衰故二蟲

動作食入五藏則下部生瘡重者肛爛見府藏

溫病勞復候 謂病新瘥津液未復血氣尚虛因勞動早更生於熱熱氣還入經絡復成病也

溫病食復候 凡得溫毒病新瘥脾胃尚虛穀氣未復若食犬猪羊肉并腸血及肥魚炙脂膩食此必大下利下

利則不可復救又禁食餅餌炙膾棗栗諸生菓難消物則不能消化停積在於腸胃便脹滿結實大小使不通

因更發熱復成病也非但雜食梳頭洗浴諸勞事等皆須慎之

溫病陰陽易候 陰陽易病者是男子婦人溫病新瘥未

平復而與之交按因得病者名為陰陽易也其男子病新瘥未平復而婦人與之交按得病者名為陽易其婦人



得病雖瘥未平復男子與之交接得病者名陰易若二  
男一女並不自相易所以咤為易者陰陽相感動其毒  
度著於人如換易也其病之狀身熱衝胃頭重不舉  
眼中生眵四支拘急小腹疔痛手足拳皆即死其亦有  
即不死者病苦小腹裏急熱上衝胃頭重不欲舉百節  
解離經脈緩弱氣血虛骨髓竭便悅々吸々氣力轉少  
著牀不能搖動起居仰人或引歲月方死

**溫病交接勞復候** 病雖瘥陰陽未和因早房室令人陰  
腫縮入腹腹痛名為交接之勞復也

**溫病瘥後諸病候** 謂其人先有宿疾或患虛勞風冷積  
聚寒疝等疾因溫熱病發汗吐下之後熱邪雖退而血  
氣損傷府藏皆虛故因茲而生諸病

**溫病令人不相染易候** 此病皆因歲時不和溫涼失節  
人感乖戾之氣而生病則病氣轉相染易乃至滅門延  
及外人故須預服藥及為法術以防之

**疫癘病諸候**

凡主論 珍華主惡三候

**疫癘病候** 其病與時氣溫熱等病相類皆由一歲之內  
節氣不和寒暑乖候或有暴風疾雨霧露不散則民多  
疾疫病無長少率皆相似如有鬼厲之氣故云疫癘病  
養生方云封君達常乘青牛曾女生常乘駁牛孟子緝  
常乘駁馬尹公度常乘青驪時人莫知其名字為誰故  
曰欲得不死當問青牛道士欲得此色駁牛為上青牛  
次之駁馬又次之三色者順生之氣也云古之青牛者  
乃柏木之精也駁牛者古之神宗之先也駁馬者乃神



龍之祖也云道士乘此以行於路百物之惡精疫氣之  
癘鬼將長揖之焉延年之道存念心氣赤肝氣青肺氣  
白脾氣黃腎氣黑出周其身又兼辟邪氣欲辟却衆邪  
百鬼常存心為炎火如斗煌々光明則百邪不敢干之  
可以入温疫之中

**疫癘胞瘡候**

熱毒盛則生胞瘡瘡周市遍身狀如火瘡

色赤頭白者毒輕色黑紫黯者毒重亦名為登古登瘡

**瘴氣候**

夫嶺南青草黃芒瘴猶如嶺北傷寒也南地暖

故太陰之時草木不黃落伏蟄不閉藏雜毒因暖而生  
故嶺南從仲春訖仲夏行青草瘴季夏訖孟冬行黃芒  
瘴量其用藥體性嶺南傷寒但節氣多温冷藥小寒於  
嶺北時用熱藥亦減其錙銖三分去一但此病外候小

遲因經絡之所傳與傷寒不異然陰陽受病會同表裡  
須明識患源不得妄攻湯艾假令宿患痼熱今得瘴毒  
毒得熱更煩雖形候正盛猶在於表未入腸胃不妨温  
而汗之只入內者不妨平而下之假令本有寒今得温  
瘴雖暴壯熱煩滿視寒正須温藥汗之汗之不歇不妨  
寒藥下之夫下痢治病等藥在下品藥性凶毒專主攻  
擊不可恒服疾去即止病若日數未入於內不可預服  
利藥藥盡胃虛病必承虛而進此不可輕治治不差成  
黃疸黃疸不差為尸疽尸疽疾者嶺南中瘴氣土人連  
歷不差變成此病不須治也嶺北客人猶得斟酌救之  
病前熱而後寒者發於陽無熱而惡寒者發於陰發於  
陽者攻其外發於陰者攻其內其一日二日瘴氣在皮



層之間故病者頭痛惡寒腰背強重若寒氣在表發汗  
及針必愈二日以上氣浮於上填塞心胃使頭痛胸滿  
而悶宜以吐藥吐之必愈五日已上瘡氣深結在臟府  
故腹脹身重骨節煩疼當下之或人得病冬方告醫醫  
知病深病已成結非可發表解肌所當問病之得病本  
末投藥可專依次第也

重刊巢氏諸病源候總論卷之十終



